



Sisebutus magna prudentia, fortitudine, & pieta-
 Ste septuagesimus quartus Gothorum rex extra
 patriã, adeoq; in ipsa Hispania eligitur. Is in primis
 eo respexit, ut Christianorum religionem confirma-
 ret, & aduersarios confunderet. Itaq; ad piam eius
 exhortationem nonaginta Iudeorum millia Bap-
 tismum susceperunt. Vnde etiam Sisebutus in Decre-
 talib. tit. de Baptismo, religiosissimus princeps ap-
 pellatus fuit. Inde Acephalorum hæresim extinxit,
 & Isidoro præfule Hispalense monitore, Concilium
 celebrauit. In eo Sisebuthus interfuit, atq; differen-
 tes de vera fide audiuit. Erat enim in diuinis & hu-
 manis literis instructissimus, & magna clementia
 cõspiciuus. Itaq; hæreticis erroris conuictis pepercit atq; in Ecclesiam recipe-
 re iussit. Vt autem in religione, ita & in Politia administranda erat sagacissi-
 mus. Sæpe enim bella in Romanos conuertit, & semper gloriosam militiam
 reportauit. Inde etiam Narbonensem prouinciam suo regno adiecit, & in Af-
 frica res multas egregie perfecit. Tandem non sine publico luctu in fata con-
 cessit. Hic est enim qui Hispanos ita à Romano Imperio liberauit, ut postea
 nunquam amplius ipsis subiecti fuerint. Patri autem mortuo Ricardus filius
 substitutus est. Ioan. Mag. lib. 16. cap. 15. Ritus.